

Кузь нэм да бур шуд!

Шарма



гор

Эжва йывса войтырлөн газет

Петё 1929 восянь

Воторник, 2013 вося январ 22 лун 9 (10596)-өд №

Кывсё шүё да мортыс дас во бёрдö (коми шусьöг)

Миян Эжва йыв: КУЖ



ЗІЛЬÖСЬ ДА ЕНБИАÖСЬ

Кызди пасйöма И.Л.Жеребцовлөн «Кöні тэ олан» книгаын, Куж сулалö Эжвалөн веськыд-ладорса кыр йылын. Сійöс гижöмөн медводдзаясь казтыштöма 1646 воын. 1996 воын медводдзаясь пасйисны юбилей - 350 во тырöм. Сэсса юбилейяс пасйисны быд 5 во мысти. Кольöм воын нимöдсны 365 во тырöм.

1646 воын Кужйын вöлі куим овмöс. Öти керкаын олс Гриппа пыскöд Лöгин Сидöр. Батыслөн нимыс лоис овöн - Логиновöн - да паськаліс сиктын и водзö. Мöд керка вöлі Киприан Михайлович Холоповлөн. Коймöдын олс Самуил Иванович Кузнец, кодсянь паськаліс Кузнецов ов.

1678 воын Кужйын вöлі 5 овмöс. Лоис выль олысь - Семён Гаврилович Попов. 1707 воын грездын вöлі 10 овмöс, содс 5 овмöс. Олысьяслөн вöліны Холопов, Логинов, Тарабукин овьяс. 1748 воын Кужйын вöлі 15 овмöс, 115 олысь (56 айлов, 59 нывбаба), 185 воын - 40 овмöс, 278 олысь. 1916 воын артавис 129 овмöс, 659 олысь (273 айлов, 386 нывбаба). 1926 воын тані вöлі 160 овмöс, 769 олысь (347 айлов, 422 нывбаба).

1930 воын, кор котырчисны «Уджалысь», «Урожай» да «Ленин туйöд» колхозьяс, Кужйын вöліны кык школа, параходлөн сувтланін, сельпо. Колхозьясын медводдза юралысьясөн вöліны А.П., А.М. да Ф.И.Кузнецовьяс.

Великöй Отечественнöй война вылö сиктысь (Ичот Кужйöс босьтöмөн) мунисны 107-өн, бөр бергöдчисны 90-өн. Öні некод нин абу ловъя. Г.Л.Кузнецов, коді вöлі колхозса юралысьөн, вуджис медводдза мирöвöй, гражданскöй да Великöй Отечественнöй войнаяс. Усьöмаяслөн нимныс сиктын сулалан пас вылын.

1965 вося августын куим колхозысь öтүвтöм «Дружба» колхоз пыдди лоис «Кулöмдінса» совхозлөн юкөн, коді нималис капусталөн да картупельлөн ыджыд урожайясөн, уна йöв лысьтöмөн да яй вöчöмөн. 1978 вося уджлөн кывкортöдьяс серти ВДНХ-лөн медшöр комитет пасйыліс Кужйöс дипломөн да телевизорөн. Кужса видз-му овмöсын уджалысьяс унаысь петалисны социалистическöй ордысьöмын вермысьясөн кызди районын, сідзи и республикаын.

Сиктлы слава вайисны сэтшöм нималана йöз, кызди совхозлөн юкөнөн веськöдлысь Коми республикаысь народнöй овмöсса пыдди пуктана уджалысь А.Г.Кузнецова, тракторист Коми республикаысь народнöй овмöсса пыдди пуктана уджалысь П.Н.Кузнецов, сідзжö тракторист В.И.Тарабукин, кодлы ВДНХ вичмöдліс сійö кадса пыдди пуктана «Москвич» автомашина, вöрдорса тракторист В.И.Логинов, велöдысьяс А.В.Юшкова да Л.В.Кузнецова, киномеханик Е.А.Меньшуткина, культура керкаса директор Е.Г.Кузнецова.

Талун Кужйын 118 овмöс, 385 морт. Видзöны 7 мөс, 12 кукань, 3 вöв, 5 порсь. Удж эм

сöмын бюджетса котырьясын, производство некупшöм абу, йöз ветлöны бокö. Артавсö 71 уджтöмалысь, 18-өн сулалöны үчөт вылын.

Сиктса школайн (сійö 9 класса) велöдчöны 32-өн, садйö ветлöны 34-өн.

Кольöм воын чужисны нельöн, кулісны куим-өн, ворсисны куим көлысь, керка эз лэптыны. Йöзöс могмöдöны Р.В.Третьяковлөн да сельполөн лавкаяс, фельдшерско-акушерскöй пункт. Тшак-вотöс примитöны Т.В.Тарабукина да М.Н.Дегтярёва.

Сиктын 5 УАЗ да 18 легкöвöй автомобиль, öти трактор. Бөрьяыс сиктса юралысь И.П.Липинлөн, коді пыдди пуктöмөн могмöдö йöзлысь корöмгьяс: ытшкö, вялö пес да турун.

Шмонитлöны: он кө пö куж - ветлы Кужйö. Тані йöз збыльысь киподтуясь. Пуысь и көрткысь вöчасьöны вокьяс - Михаил да Степан Александрович Логиновьяс, унатор сяммö вöчны А.И.Тарабукин. Удал кыйсысьясөн нималöны вокьяс - Владимир да Николай Петрович Логиновьяс, А.Н.Коюшев, М.А.Логинов.

Локтисны армияысь кыкөн: Александр Логинов да Алексей Тимушев. Контракт серти служитö Сергей Тарабукин. Арнас армияö босьтисны куимöс.

Эмöсь шöр школа помалöм бöрын водзö велöдчысьяс. Оксана Кузнецова босьтö тöдöм-луньяс Сыктывкарса медколледжын, Анна Хегай - госслужбалөн академияын, Николай Хегай - торгово-экономическöй колледжын, Елена Логинова да Александра Дегтярёва - Сыктывкарса университетын, Максим Нестеров - связлөн колледжын, Евгений Логинов - Рязаньса десантнöй училищын, Сыктывкарын автомеханикö велöдчöны Алексей Логинов да Лев Тарабукин.

Сиктысь киподтуя йöз, сьыллысь-йöктысьяс лэччылсны Сыктывкарö Кулöмдін районса асвойтырлөн корöм серти да петкöдчисны ыджыд гажöн.

Светлана Логинова, коді велöдчö 11-öд классын, «Райда» конкурсын лоис районын медводдзайн, республикаын мöдөн.

Музыкально-драматическöй театрын ворсысь Александр Кузнецовлы, коді Кужйысь, вичмöдисны республикаысь культураса пыдди пуктана уджалысьлысь ним.

Кужлөн эм аския лун. Збыльмöдисны «Югыд Куж» программа да öні уличаяс войясын югыдöсь. Водзö вылö портасны олөмö «Сөстөм ва» программа. 2013 во кежлö торйöдöма куим пилорама улö му. Кык Куж костын автотрасса сайын торйöдöма му асфальт вöчан завод улö.

Сиктса администрацияс донгялісны бура том йöзкöд уджалöмысь. Кужйысь армияö мунысь петкöдчис бура аскодöмгьяс повстын конкурсын да босьтис медводдза места.

Куж нималас аслас уджөн да енбиөн водзö.

Кужйысь унаöн уджалöны Лунвыв электрической сетьяслөн Кулöмдін районын.

- Ставныс зэв зиль да водзмöстчысь йöз, - ошкис найöс электрической сетьяслөн районса веськöдлысь А.М. Тарабукин, - быдöнлөн ыджыд сям. Татшöм йöз вылас и кутчысь миян котыр.

Иван Иванович Тарабукин уджалö Лунвыв электрической сетьяслөн Кулöмдін район котырчöмянь - 29 во.



ПЫР ÖТИЛАЫН

- Помалі Кулöмдінса шöр школа, - висьталіс Иван Иванович, - служиті армияын. Сы бöрын велöдчи 28 номера ГПТУ-ын бытöвöй техника дзоньталöм кузя слесар-электрикö. Во уджалі комбинатын, сэсса сійöс тупчисны. Сэки районын буретш котырчис Лунвыв электрической сетьяслөн юкөн. Шыöдчи сэтчö, и менö босьтисны электрикөн. Тайö вöлі 1983 вося декабрын. И пыр öти-лаын, олөмöй Лунвыв электрической сетьяслөн и коліс. Пенсия вылö, тöдöмысь, пета тасянь.

Сингьяс водзас и сувтис кок вылас да сөвмис электрической сетысь. Босьтис уджавны балокын, а öні диспетчерскöй ыджыд, кыпид да шоньд жырйын. Пукалöны компьютер сайын. Районса став электрической линия да подстанция сингьяс водзас.

- Олөм воськовтис водзö, - шуис уджывывса ветеран. - Водзті кө татчö босьтисны училище бöрын, то öні колö помавны шöр да вылі тшупöда велöдчанінгьяс. Витя пиöй муніс менам коктуйöд, öні уджалігмоз велöдчö индустриальнöй техникумын техник-электрикö. Помалöм бöрас көсйö пырны Сыктывкарса вöр

институтö. Сямöс кыпöда и ачым, быд вит во бöрын велöдча курсьяс вылын Кировын.

И.И.Тарабукинлөн зильöм, удж кывкутöмөн вöчөм эз ло весьшöрö. Бура да дыр уджалöмысь сылы сетісны Коми республикалысь почөт грамота.

Иван Иванович бур верöс да баты. Гөтырыскöд, Татьяна Ивановнакөд, öтлаын олöны 1982 восянь. Гозьялөн кык пи. Кызд ми пасйим нин, Витя уджалö батыскöд öтлаын. Александр олö да уджалö юркарын.

Татьяна Ивановна велöдчö челядьöс Кужса школайн. И медым вöлі матынджык ветлыны, гозья кыпöдисны ас керка. Олöны сэні 1989 восянь. Иван Иванович зэв киподтуя морт. Ёна мичмöдис керкасö да гожся пусянінсö, вöчис шойччанін. Сылөн керкаысь торьялö мукöдьясысь аслас мичлунөн.

Гозья олöны скöтөн: видзöны порсьöс да кроликьясöс. Водзті И.И.Тарабукин кролик куысь вурліс шапкаяс.

Иван Иванович ёна радейтö кыйны чери, коді сылы шедö. Лэптылöма нель килограмма сыр да куим килограмма налим.

